

Ndebele - Imibhalo - Protection Scriptures

uJeremiya 1:18 Lamhla sengikwenze waba lidolobho elivikelweyo, insika yensimbi lomduli wethusi ukuba umelane lelizwe lonke - umelane lamakhosi akoJuda, izikhulu zakhona, abaphristi bakhona kanye labantu bakhona.

uHezekheli 3:18 Nxa ngisithi emuntwini omubi, 'Wena uzakufa impela,' wena ungamxwayisi kumbe ukhulume ukuba umyekelise izindlela zakhe ezimbi ukuze asindise ukuphila kwakhe, lowomuntu omubi uzafela izono zakhe, kuthi wena ngikubeke icala legazi lakhe.

uJeremiya 6:27 "Ngikwenze umhloli wezinsimbi labantu bami babayilitshe elixubene lensimbi ukuba ukhangele ubone ube usuhlola izindlela zabo.

uLevi 26:19 Ngizabudiliza ubuqholo bokuzazisa kwenu, ngenze umkhathi phezu kwenu ube njengensimbi kuthi umhlabathi ngaphansi kwenu ube njengethusi.

uDeuteronomi 23:5 Kodwa-ke, uJehova uNkulunkulu wenu kazangalalele uBhalamu kodwa waphendula isiqalekiso saba yisibusiso kini, ngenxa yokuthi uJehova uNkulunkulu wenu uyalithanda.

AbaseRoma 12:21 Unganqotshwa ngokubi, kodwa nqoba okubi ngokuhle.

Amahubo 143:8,10 Akuthi ukusa kungilethele ilizwi lothando Iwakho olungaphuthiyo, ngoba sengibeke ithemba lami kuwe. Ngitsengisa indlela okumele ngihambe ngayo, ngoba ngiphakamisela umphefumulo wami kuwe. 10 Ngifundisa ukwenza intando yakho, ngokuba unguNkulunkulu wami; sengathi uMoya wakho omuhle kakhulu ungangikhokhela emhlabathini ochayileyo.

Amahubo 94:12 Ubusisiwe umuntu omqondisayo, OJehova, umuntu omfundisa okomthetho wakho;

Izaga 27:12 Olengqondo uthi angabona ingozi abaleke, kodwa isithutha siyaqhube singene enkathazweni.

AbaseFiliphi 2:16 libonakalise ilizwi lempilo, ekuzincomeni kwami esukwini lukaKristu, ukuthi kangijimelanga ize, njalo kangitshikatshikelanga ize.

U-Isaya 49:4 Kodwa mina ngathi, "Mina ngisebenzele ize; amandla ami ngiwachithele ize lobala, ikanti okufanele mina kusesandleni sikaJehova, lomvuzo wami ukuNkulunkulu."

Amahubo 76:3 Khonapho wayephula imitshoko ebenyezelayo, izihlangu lezinkemba, izikhali zempi.

AmaHeberu 13:21 angaliphelelisa kuwo wonke umsebenzi omuhle ukuze lenze intando yakhe, esezenza kini lokho okumthokozisayo phambi kwakhe, ngoJesu Kristu, kakube kuye ubukhosи kuze kube nini lanini. Ameni.

1 AbaseKhorinte 16:15 Futhi ngiyalincenga bazalwane, liyayazi indlu kaStefana, ukuthi yisithelo sokuqala seAkaya, lokuthi bazimisele ukusebenzela abangcwele;

AbaseFiliphi 1:27 Kuphela hambani ngokufanele ivangeli likaKristu, kuze kuthi, loba ngifika ngilibona, loba ngingekho, ngizwe indaba zenu, zokuthi limi emoyeni munye, ngengqondonye lilwela ukholo Iwevangeli ndawonye,

1 AbaseKhorinte 15:58 Ngakho, bazalwane bami abathandekayo, manini, linganyikinyeki, lengezelelwemsebenzini weNkosi kokuphela, lazi ukuthi ukusebenza nzima kwenu kakusilo ize eNkosini.

AbaseKholose 4:12 Uyalibingeleta uEpafra owakini, inceku kaKristu, elilwela emikhulekweni ngezikathizone, ukuze lime liphelele ligcwaliswe entandweni yonke kaNkulunkulu.

II Amakhosi 19:34 Ngizawuvikela umuzi lo ngiwuphephise, ngizenzela mina njalo ngisenzela uDavida inceku yami."

uJeremiya 15:20,21 Ngizakwenza ubengumduli kulababantu, umduli ovikelweyo wethusi; bazakulwa lawe kodwa kabayikukwehlula, ngobamina ngilawe ukuba ngikuhlenge ngikusize," kutsho uJehova. 21 "Ngizakuhlenga ezandleni zababi ngikukhulule ezandleni zabalesihluku."

Amahubo 55:18 Uyangihlenga ngingakalimali kuleyompi engihlaselayo, loba bebanengi abaxabana lami.

uHezekheli 30:24 Ngizaqinisa izingalo zenkosi yaseBhabhiloni ngifake inkemba yami ezandleni zayo, kodwa izingalo zikaFaro ngizazephula, njalo uzabubula phambi kwayo njengomuntu olimale okokufa.

Isambulelo 3:18 ngiyakweluleka ukuthi uthenge kimi igolide elicengwe ngomlilo, ukuze unothe; lezembatho ezimhlophe, ukuze wembathe, lehlazo lobuze bakho lingembulwa; njalo ugcobe amehlo akho ngamagcobo amehlo, ukuze ubone.

1 uJohane 3:17 Kodwa loba ngubani olempahla yomhlaba, njalo ebona umzalwane wakhe eswele, abesemvalela imibili yakhe, uthando lukaNkulunkulu iuhlala njani kuye?

U-Isaya 50:4 UJehova wobukhosunginike ulimi olufundisiweyo ukuba ngazi ilizwi lokuqinisa abadiniweyo. Uyangivusa ekuseni kwansuku zonke, avuse indlebe yami ukuba ilalele njengofundiswayo.

Amahubo 18:39 Wena wangihlomisa ngamandla okulwa impi; wenza abaxabana lami bakhothama ezinyaweni zami.

Amahubo 89:43 Uyibuyisele emuva inkemba yakhe ebukhali awaze wamsekela empini.

uHezekheli 13:6 Imibono yabo iyinkohliso njalo lobungoma babo bungamanga. Bathi, "UJehova uthi," yena uJehova engabathumanga; kodwa bathembe ukuthi amazwi abo azagcwaiseka.

uLevi 26:37 Bazagwenxana angathi babalekela inkemba, lanxa kungekho

muntu obaxotshayo. Ngakho aliyikuba lamandla okumelana lezitha zenu.

1 AbaseKhorinte 14:8 Ngoba-ke nxa uphondo lunika ukukhala okungaqondakaliyo, ngubani ozazilungisela impi?

uJobe 15:24 Usizi lobuhlungu emoyeni bumlethela uvalo; kuyamgabhela, njengenkosi isilungele ukuhlasel,

1 Imilando 12:8 Abanye abakoGadi babalekela kuDavida enqabeni yakhe enkangala. Babe ngamabutho alezibindi, belungele ukulwa njalo bekwazi ukuphatha ihawu lomkhonto. Ubuso babo babuyibuso bezilwane, njalo belesiqubu njengamagogo ezintaben.

1 Imilando 12:33,38 amadoda ayevela koZebhuluni, amabutho ayezingwazi empini ngezikhali zemihlobo etshiyeneyo, eza ukuzancedisa uDavida ngokuzinikela okungalakuthandabuza, eyizi-50 000; 38 Bonke laba babengamabutho azinikeleyo ukungena laloba yisiphi isigaba. Ngamabutho aya eHebhroni ezimisele ukufika abeke uDavida esihlalweni sobukhosи abe yinkosi ka-Israyeli jikelezi. Abanye bonke abako-Israyeli babengqondonye befisa ukwethesa uDavida ubukhosи.

uLuka 10:19 Khangelani, ngilinika amandla okunyathela izinyoka labofezela, laphezu kwamandla wonke esitha; njalo akusoze kube lalutho olungalilimaza.

2 AbaseKhorinte 7:10 Ngoba ukudabuka ngokukaNkulunkulu kuletha ukuphenduka kube lusindiso ongezisole ngalo; kodwa ukudabuka komhlaba kuletha ukufa.

2 uTimothi 2:25,26 ibeluleke ngobumnene abalenkani; mhlawumbe uNkulunkulu angabanika ukuphenduka baye kulwazi Iweqiniso, 26 njalo basanguluke kumjibila kaSathane, ababanjwe nguye entandweni yakhe.

uNehemiya 4:15 Kwathi izitha zethu sezizwile ukuthi sasesilazi icebo lazo lokuthi uNkulunkulu wayeselifubisile, sonke sabuyela kuwo umduli, ngulowo kowakhe umsebenzi.

Amahubo 73:24 Uyangikhokhela ngokweluleka kwakho kuthi ngemuva kwalokho uzangithatha ungise ebukhosini.

**Pastor T. John Franklin
Church of Salvation, Healing, and Deliverance
COS-HAD.org**